



جَبَاتَانِ خَالِ الْخَوَالِ كَامَرَانِيَا لِمُرَكَّرِي قَدَحِ ذَارِ الْاَمَانَا

JABATAN HAL EHWAL AGAMA ISLAM NEGERI KEDAH DARUL AMAN

GARIS PANDUAN

PELAKSANAAN MAJLIS ILMU DAN MAJLIS BACAAN YASIN DAN DOA DI MASJID DAN SURAU NEGERI KEDAH DARUL AMAN

1. PENDAHULUAN

Garis Panduan Pelaksanaan Majlis Ilmu dan Majlis Bacaan Yasin dan Doa di Masjid dan Surau Negeri Kedah Darul Aman disediakan oleh Jabatan Hal Ehwal Agama Islam Negeri Kedah Darul Aman bagi memudahkan pihak masjid dan surau, serta anak jemaah dalam melaksanakan majlis tersebut khususnya sebagai satu usaha dan komitmen bersama dalam menangani penularan wabak pandemik COVID-19.

2. PELAKSANAAN

Pelaksanaan majlis ilmu dan majlis bacaan Yasin dan doa di masjid dan surau negeri Kedah Darul Aman adalah **dibenarkan** dalam tempoh Perintah Kawalan Pergerakan Pemulihan (PKPP), dengan ketetapan seperti berikut:-

3. WAKTU PELAKSANAAN

3.1. Majlis Ilmu

Majlis ilmu dibenar dilaksanakan **selepas solat Subuh (Kuliah Subuh) dan solat Maghrib (Kuliah Maghrib)** di masjid dan surau dalam tempoh masa tidak melebihi **30 minit**.

3.2. **Majlis Bacaan Yasin dan Doa**

Majlis bacaan Yasin dan doa dibenar dilaksanakan pada setiap **hari Khamis, selepas waktu Maghrib** dan disempurnakan sebelum masuk waktu Isyak.

4. **BILANGAN JEMAAH DIBENARKAN**

4.1. Bilangan jemaah yang dibenarkan bagi melaksanakan majlis ilmu dan majlis bacaan Yasin dan doa adalah berdasarkan **jumlah kebenaran jemaah bagi solat fardu** yang ditetapkan oleh Jabatan Hal Ehwal Agama Islam Kedah dari semasa ke semasa.

5. **KETERANGAN**

5.1. **Jemaah**

5.1.1. Jemaah adalah terdiri daripada pegawai dan jawatankuasa masjid dan surau, serta anak kariah yang hadir (berdasarkan jumlah jemaah yang dibenarkan) **pada waktu solat Subuh atau solat Maghrib tersebut sahaja.**

5.1.2. Jemaah yang hadir adalah jemaah yang telah **melepassi pemeriksaan dan pendaftaran**, berdasarkan Garis Panduan Pelaksanaan Solat Jumaat dan Solat Fardu Berjemaah di Masjid dan Surau Negeri Kedah Darul Aman

5.2. **Penceramah**

5.2.1. Penceramah majlis ilmu hendaklah mempunyai tauliah yang dikeluarkan oleh Jabatan Mufti Negeri Kedah.

5.2.2. Penceramah hendaklah menjalani proses pemeriksaan dan pendaftaran di masjid dan surau sebelum dibenar melaksanakan aktiviti majlis ilmu.

5.2.3. Penceramah hendaklah menyampaikan pengajaran dalam tempoh 30 minit seperti yang telah ditetapkan.

5.3. **Buku Surah Yasin**

5.3.1. Buku Surah Yasin hendaklah **dibawa sendiri** dari rumah.

5.3.2. Aktiviti **edaran Buku Surah Yasin** di dalam masjid dan surau adalah **tidak dibenarkan.**

5.4. Panduan Sebelum Majlis

- 5.4.1. Majlis ilmu dan majlis bacaan Yasin dan doa berlangsung seperti mana **kedudukan dalam solat fardu**.
- 5.4.2. Jemaah hendaklah duduk di **tempat yang sama ketika solat**, iaitu tempat yang telah ditanda oleh pihak masjid.
- 5.4.3. Penanda kedudukan antara jemaah (minimum jarak antara saf dan jemaah 1 meter) berdasarkan keperluan penjarakan sosial yang ditetapkan oleh Kementerian Kesihatan Malaysia (KKM).
- 5.4.4. Aktiviti bersandar di tiang, dinding atau sebagainya adalah tidak dibenarkan.

5.5. Panduan Semasa Majlis

- 5.5.1. Majlis ilmu dan majlis bacaan Yasin dan doa hendaklah **dimulakan segera**, selepas sempurnanya wirid dan doa solat fardu.
- 5.5.2. Jemaah hendaklah kekal di tempat masing-masing sehingga selesai majlis.
- 5.5.3. Pergerakan jemaah di dalam masjid dan surau adalah dihadkan seminum mungkin.

5.6. Panduan Selepas Majlis

- 5.6.1. Jemaah hendaklah terus bersurai setelah sempurnanya Kuliah Subuh.
- 5.6.2. Tidak bersalaman dan bersentuhan antara sesama jemaah yang hadir.
- 5.6.3. Bagi majlis ilmu selepas solat Maghrib, sekiranya majlis ilmu dan majlis bacaan Yasin dan doa itu sempurna awal sebelum masuk waktu solat Isya, jemaah hendaklah beriktikaf sehingga masuk waktu solat.
- 5.6.4. Sekiranya ada keperluan – memperbaharui wuduk misalnya – jemaah boleh melakukannya dengan mematuhi penjarakan sosial dan melakukan proses sanitasi tangan.

6. PELANGGARAN

Mana-mana masjid dan surau, serta penceramah yang melanggar dan tidak mematuhi arahan ini, boleh dikenakan tindakan dan kebenaran melaksanakan aktiviti keagamaan boleh ditarik balik serta merta.

7. KUATKUASA

Arahan ini adalah berkuatkuasa bermula 19 Jun 2020, sehingga arahan rasmi terkini dikeluarkan dari semasa ke semasa. Melalui arahan ini, sebarang perbezaan dan percanggahan dalam arahan terdahulu adalah terbatal.

Pengarah

Jabatan Hal Ehwal Agama Islam

Negeri Kedah Darul Aman

18 Jun 2020